

北洋官報

目錄

宮門抄
 上諭
 奏請旨
 奏請會辦政務處奏請覆盜犯解開槽△熱河都統廷
 奏各衙門暨武營無攤款等弊摺△甘肅升泰開支
 警費片△江北提督王奏擬編巡防水師片
 公牘△農工商部札一件△督憲札一件△津海關道詳
 文告五則△天津縣詳一件△董事會票一件
 彙編△天津商民捐局最後之報告△農林畜牧調查書
 圖畫△湖北宜昌第五圖

本報今日加印三期法政學報已出頁

宮門抄

五月十二日

內務府 八旗兩翼值日 那中堂謝署直隸總督

恩並請 訓 世中堂謝署外務部

會辦大臣

恩 榮中堂因子以道府用專摺謝

恩 紹昌因弟以道府用謝 恩 特圖慎因弟

以道府用專摺謝

恩 連兆 文增 崇山以道府用各謝

恩 孫寶琦謝署山東巡撫 恩

甘肅副將潘泰和謝

恩 馮國璋續假五日 吉塋 宗芳 多俊 常志 重英 增煦 侯

恩 召見軍機 那中堂 孫寶琦 潘泰和 吉塋

見 掌禮司奏十五日祭

宗芳 多俊 常志 重英 增煦 憲政編查館那中堂等陳慶桂各遞封奏一件

宗芳 多俊 常志 重英

諭

諭

五月十二日內閣奉

上諭那桐等奏查驗續經報到荐舉各員分別加考開單呈覽一摺所有舉人丁保樹著查驗大臣梁敦彥等帶領

引見特用員外郎陶葆康試署貴州勸業道都勻府知府王玉麟分省補用道鍾文耀發往雲南差遣前山東東

昌府知府魏家驊著於本月十六十七日每日二員呈遞膳牌預備召見欽此

上諭袁樹勛奏著紳會試重違籲懇恩施一摺提督銜前甘肅肅州鎮總兵田在田去歲鄉舉重逢曾經加恩賞給

太子少保銜茲屆該總兵會試之年花甲適周洵屬熙朝盛事加恩著賞給都統銜以惠耆年欽此

交

旨

五月十二日 軍機大臣欽奉

諭旨給事中陳慶桂奏明儒湛若水講明正學請從祀

孔廟一摺著禮部議奏欽此

諭旨憲政編查館奏議覆張鳴岐奏議裁冗員一摺著依議欽此

奏議錄要

會議政務處奏覆覆法部議覆御史吳緯炳奏尋常盜犯請一律照例解勘摺

奏為遵

旨嚴覆恭摺仰祈

聖鑒事本年四月十九日軍機大臣欽奉

諭旨法部奏議覆御史吳緯炳

奏尋常盜犯請一律照例解勘一摺著會議政務處嚴覆具奏欽此欽遵鈔交到處臣等伏查古今刑典世為重輕要在協乎情法之中而已舊律強盜得財不分首從皆斬雍正年間始分別法無可宥情有可原二項減等改遣凡以矯前明舊律之過嚴昭 盛世祥刑之至化嗣以軍興盜熾議將夥盜把風接贓之犯按照為首一律問擬並有各省就地正法章程原係辟以止辟之意現軍務既已救平刑法宜從寬大況值預備立憲之際法律監獄均經次第改良則舊例原情之典尤當亟行規復該部原奏稱尋常盜劫之案除起意為首與拒捕各犯有犯殺傷及未經傷人之夥盜如曾經轉糾黨羽入室過船搜贓或行劫已至二次並執持火器金刃在外把風情形兇暴者一經得財均仍照定章定例辦理外其止聽矚在外瞭望接遞財物並未入室過船搜贓及實係被脅同行尚非甘心為盜或聽糾止此一次並無執持火器金刃情兇勢惡者均係舊例情有可原之犯應一併免死減等發遣新疆酌撥種地當差似此分別辦理洵足以合時宜而彰 成憲應請准如所奏由部咨行修訂法律大臣纂入現行例內俾資引用現有未經嚴覆各案如實有情節可原者亦即按照新章辦理以廣 皇仁至就地正法章程本出一時權宜早經由部奏明通行停止茲據該部奏稱除東三省根本重地現尚剿辦竊匪以及各省實係土匪馬賊會匪游勇嘯聚藪澤抗拒官兵形同叛逆者仍照光緒二十四年通行暫准就地正法外其餘尋常盜案均應一律解由該管上司覆勘儻距省遠地方酌照秋審事例將人犯解赴該管巡道訊明詳由督撫分別具奏等語似此分別勘辦實於慎重刑章之中兼寓體恤州縣之意惟查各省州縣距該管巡道駐紮地方遠近不一現復擬裁守巡道缺若必概令解道恐於事實仍多窒礙臣等公同商酌除直隸廳州盜犯均令解道覆勘外其餘距省城及該管

道較遠州縣並准解赴該管知府覆勘詳辦以昭詳慎而歸簡易如蒙
遵辦理所有臣等覈覆緣由是否有當謹恭摺具陳伏乞

皇上聖鑒謹 奏宣統元年五月初九日奉 旨已錄

熱河都統廷杰奏查明熱屬各衙門暨新舊武營均無攤款等弊摺

奏爲遵 旨查明熱河各地方衙門攤捐各款早經禁革新舊武營亦無攤扣缺額情弊恭摺覆陳仰祈 聖

鑒事竊奴才於本年閏二月十三日承准軍機大臣字寄宣統元年閏二月初十日奉 上諭有人奏請豁免州

縣攤款等語各省攤款一項實足爲地方官之累著各督撫查明道府各衙門攤捐款項分別是否重要政務必

需之款應否裁除詳細妥酌奏明辦理武營攤款並著各將軍都統督撫一併酌辦原摺著鈔給閱看欽此遵

旨寄信前來查原奏內稱親民之官莫如州縣欲州縣之得人在先去其積累軍興以後攤款日重名目繁多養廉

一項不敷攤扣大缺州縣所獲錢糧平餘稍多視此攤款不甚經意瘠缺州縣日多賠累請 敕各直省督撫將

州縣所得錢漕平餘提解歸公仿照直隸四川等省辦法分別大中小州縣缺明定常年辦公經費其向來攤款一

律豁除如此積累既除經費有著庶得專心民事責成久任無難等語查熱河地處邊疆各地方官無自然之利不

同內地州縣有錢糧羨餘其應支廉俸等項與奏明化私爲公之卯規所得本屬無幾除攤扣及本署支銷已虞不

敷而常年捐解之款如致送該管道府公費緝捕考棚公費暨各上司衙門書吏工食紙張等項款目繁多均因庫

帑支絀無從作正開銷責令各州縣歷年按數認解上求下應不問款從何來以致廉者不廉貪者愈貪勒取婪索

視爲故常吏治之壞不堪言狀迨光緒二十九年前任都統錫良力圖改革澈底清查先將公費攤捐各款名目概

行革除自道府以及州縣正佐各員分別缺之繁簡一律籌給辦公津貼多則五六千兩少亦數百兩除各州縣向

有之春秋兩卯規暫准仍舊外其餘一切無名之費用格外之誅求概在革除之列曾將辦理情形奏明有案一面

立石永禁俾上下有所遵守此熱屬各地方衙門攤捐各款早經禁革淨盡之實在情形也又原奏稱各省武營員

弁亦有攤款之事扣餉缺額均由此請 敕一律核辦以肅軍政等語查從前軍營往往有不肖員弁涸跡其中

以致尅扣餉糧侵蝕空曠並攤派節壽等弊一唱百和幾成習慣熱河營隊舊設則有旗綠捕盜營新編則有常備

俞允應請

飭下該部一體通行欽

軍三營巡防隊十四營每遇常備巡防各營請領月餉均委員前往監放仍分季委員逐營點驗兵額查看操防旗營遇有兵缺由奴才親赴校場挑補月餉責成右司協領核實散放捕盜綠營責成該管官弁不時嚴查茲奉明諭復經派員四出密訪據報各營兵餉實放尙不敷用誰敢攤扣致犯衆怒此查明熱河各軍隊實無攤扣缺額等弊之實在情形也總之文治武備均爲國家根本所繫奴才身膺疆寄自當極力整頓痛滿舊習並選用賢能事事求實期於政令修明弊絕風清用副朝廷維新庶政祛除積弊之至意所有查明熱屬各地方衙門暨新舊武營均無攤款等弊緣由理合恭摺覆陳再此摺因派委分投覆加調查是以覆奏稍遲合併聲明伏乞皇上聖鑒謹奏宣統元年五月初五日奉 硃批知道了欽此

陝甘總督升允奏省城巡警增減經費開支數目請立案片

再查甘肅省城巡警於光緒三十一年十一月開辦所有辦事規則經費開支均經 奏咨在案數年以來節經督飭該局司道等設法整頓逐漸擴充雖款項支絀異常亦不敢不勉力籌辦計自光緒三十二年四月起至宣統元年二月止先後添設十分局三等巡官各一員四關總查一員十分局二等司書生各一名教習三員統計一員總局一二等司書生各一名添募巡長巡兵共一百六十名火夫一十六名清道夫二十名局差四名又因委員常川住局添支火食銀兩總局房屋不敷添租民房及十分局酌加房租銀兩並支給粉定紙張等項暨酌加各城門委員薪水俱係隨時體察陸續添支又先後裁撤提調一員四關總查一員局差十員藉資節省統計年所添各項除裁減抵補外連前奏定銀二千七百二十五兩九錢每月共需額支銀三千六百四十兩有奇加以冬季炭資每歲共支湘平銀四萬四千四百餘兩遇閏照加連同支給各款由甘肅統捐總局隨時撥發據巡警總局司道詳請 奏咨立案前來除將開支細數增減日期分別詳晰咨行查照外理合附片具陳伏乞 聖鑒謹 奏宣統元年五月初六日奉 硃批該部知道欽此

江北提督王士珍奏擬編巡防水師片

再查江北長河上下七百餘里湖面遼濶港汊紛歧稅關釐卡又復所在皆有故請派師船保護彈壓之書齋至齋來自水師砲船二十隻改作輜重隊後遂無以應付遇有重要事件即須派輜重隊前往不免有誤訓練殊失慎重

陸軍之本意奴才體查江北情形實非專恃馬步隊巡防所能周密必須有師船以輔陸防所不及現在輜重船隻減除一隊擬將騰出舊船編作巡防水師一哨歸左路巡防統領楊春普兼統於江北防務實有裨益其營制餉章一準巡防步隊章程惟巡防隊每哨僅有官長兩員而水師既少應巡之處又甚少一哨兩官實在不敷分派擬添設哨長一員以資調遣江北款項本窘不易措籌此項薪餉由奴才設法湊集自本年五月初一日起支除咨部外理合附片陳明伏乞 聖鑒飭部立案謹 奏宣統元年五月初四日奉 硃批該部知道欽此

公牘錄要

農工商部札飭天津商會解送北京陳列所物品文

為札飭事接准本部京師勸工陳列所咨稱查陳列所一切應辦事宜前經擬具章程呈部核定當蒙照覆所擬章程具見條分縷析規畫周詳照准施行等因在案現值陳列所工程將已告竣正在妥籌開辦之時所有各省寄到陳列物品自上年九月間經部奏准調取以後除奉天吉林河南江蘇江甯寄到之件為數無多不敷陳列外其餘各省均未解到刻因陳列所章程業已刊擬請將此項章程咨行各省並札交各商會查照迅速籌解以備參考而符奏案咨請查照酌核施行等因前來查本部於上年九月具奏查建勸工陳列所調取各省貨品先後咨電各省轉飭遵辦並札發表格在案茲復據該所咨稱前因工程已將告竣各省所寄陳列物品未到者尚居多數事關工業前途且為觀瞻所繫應行陳列各品不得不亟為預備以期恢復舊觀合行札發章程二分札飭該商會札到遵將所有陳列物品如未經送到者迅籌解送已經送到者仍隨時調取各種改良暨最優物品陸續解送以備陳列仰即遵照切切此札 (章程另錄)

督憲楊准東撫咨派員赴天津保定調查監獄並習藝所規章分別札飭遵照文

為札飭事宣統元年四月二十五日准 山東巡撫部院袁咨開竊照本部院籌設本省模範監獄亟應遴派委員分別調查以資考鏡茲查有試用道魏道業銳試用知縣王令仕良堪以委派偕往天津保定會查新建模範監獄並罪犯習藝所將一切規則章程調查後魏道再由津赴奉天王令由津赴武昌分別調查儘五月底回省將所查各情形詳細稟覆以憑核辦所需川資銀兩應由善後局各支銀三百兩以資膏秣除分別咨行外相應咨明為此

合咨 貴部堂煩請查照施行等因到本督部堂准此除分行外合行札飭札到即便轉行查照此札

津海關道詳核議太古漢陽輪船進口軋壞電話水線一案應如何辦理請咨部核示文

為詳請事案查前奉 憲台札准 郵傳部咨以太古公司漢陽輪船駛進塘沽內河將電報局所設過河水綫軋壞應即照章索賠札道核辦具覆等因並准天津電報局咨同前因當經函准英國柯署總領事覆稱當即轉飭查覆去後茲據太古行覆稱西十月九號夜間本行之漢陽輪船駛進塘沽內河突遇他來船隻勢幾相撞該輪不得已趕即拋錨以防危險嗣於起錨時見錨與綫鈎聯但未截斷當時輪船人甚加小心免綫受損旋據電報局達知本行始悉水綫中間被錨搭起遂使綫之兩端微受損傷惟查此項過河綫既設於水中自應在綫之兩端晝置木牌夜置號燈以便標識水綫所在輪船易於防衛然雖有標識而輪船或出意外致綫被損則不應賠即如此次非特水綫兩端未設號燈無從知悉所在且該輪實值意外之事殊難預防更不能承認賠償等語據此相應函覆查照轉咨飭知為荷等因復經兩次函致辛前稅司轉飭理船廳查明當日該船進口實情並軋壞水綫向章應如何辦理詳細見覆各在案嗣因辛稅司病故又經函催現任新關稅司義理邇核辦去後茲准該稅司覆稱查英商太古公司漢陽輪船軋壞塘沽電話水綫一事緣電話水綫安設河灣白晝雖有木牌夜間并無號燈凡輪船駛至轉灣處或遇有大風或相近他船勢須拋錨以防危險碰撞難免傷綫若將水綫設在直河處所可免軋壞情事此案即或會訊而英領事業經函據太古行稟覆不能承認賠償亦恐難得理直且近來又有日本輪船因拋錨傷損電話水綫一案情事大略相同本稅司之意似不如轉致電話局以上兩案作為罷論一面將電話水綫移置直河之處兩岸夜掛號燈以示躲避最關緊要嗣後輪船倘再遇有軋壞水綫之事亦可照章索賠諒其無詞諉卸也相應將去歲塘沽副理船廳所查情形譯漢函送即希查核為荷附抄件等因前來職道復加查核該稅司所稱各節似近情理惟事關電政究竟應否照准未便專擅理合將理船廳所查情形照錄清摺具文詳請 憲台查核俯賜轉咨 郵傳部核示飭遵實為公便為此備由具詳伏乞 照詳施行須至册者

督憲楊 批詳摺均悉候咨 郵傳部查照核覆飭遵繳

天津縣胡令商彙詳辦學出力員紳請奏獎文並批

爲詳請事案據勸學所總董林兆翰稟稱竊天津當庚子變後士紳卽首創國文小社以培植人材并加授各種科學俾增智識繼復籌設蒙養學塾藉端教育而資養正洎收回地面而後復合官紳之力切實提倡至於今日官立男女小學及半日學堂已達三十餘處民立公立私立小學堂及半日半夜學堂則七十餘處之多皆仰賴列憲規畫整飭提振經營故能土風丕變學術日修現計由高等小學畢業者已有一百五十二名初等小學畢業者已有一千一百六十三名而模範小學堂開辦之初奉諭由各堂撥送之全班高等初等各學生現亦由該堂陸續畢業者尙不在內董詳加體驗該生等均能循循禮法確合程度業經升入中等以上各項學堂津埠之大幾無一堂不有當日小學肄業之生徒卽遠至奉天京保各處亦多投考取錄且有經官資遣遊學外洋者以故比年之間四方觀聽咸來取法董承乏其間奉宣德教與有榮施伏念辦理學務各員紳或苦口講授啓迪國民或夙夜奔馳勸導學畫雖其誘掖後進爲本地士紳應盡之義務然論功考最實有不容沒其微勞者查 奏定學務綱要內載學務員紳每屆五年准援照同文館之例請獎一次 奏定小學堂章程立學總義章內載官紳辦理合宜推設日廣者准稟請分別奏獎嗣經 政務處 奏准以成就學生在六七十名以上爲衡又 學部 奏准凡辦理學務已滿五年者照異常勞績給獎三年以上者照尋常勞績給獎各在案前者 大學士升任湖廣督部堂張 奏獎湖北辦學員紳業於去年經 吏部學部會奏核准 京師督學局近亦請獎八旗小學員紳天津創辦最早成績尤著事同一律似未便獨令向隅除成績稍次員紳業經隨時撤換并未滿年限各員應俟下屆開送外謹將計資扣至光緒三十四年十二月底辦學已滿五年以上之閻鴻業等三十二名已滿三年以上之崔瑞圖等九十八名分別繕具清摺并履歷清冊恭呈鑒核可否仰懇恩准轉詳 督憲學憲援案 奏獎以示鼓勵之處伏候鈞裁爲此肅稟上陳伏乞鑒核轉詳施行實爲公便計稟呈清摺一扣履歷清冊一百三十一本等情據此除將送到清摺一扣履歷清冊存案外可否援案 奏獎之處伏乞 憲台查核實爲公便爲此備由具冊具呈伏乞 照詳施行 督憲楊 批據詳已悉仰提學司核議詳辦冊摺存此繳

天津縣董事會稟督憲管理公產事宜文

敬稟者竊查議事會稟請接辦義軒公所一案蒙批開據稟已悉候行天津道府縣核議詳覆飭遵繳等因嗣因該

公所出售義地創墳棄骸並有將西門外義地賣與津浦鐵路之說復經議事會稟明 憲台請札飭公所及津浦鐵路購地委員於所有義地未經議准應由何人管理先暫緩授受蒙批開據稟已悉仰候札飭天津府道縣嚴禁盜賣並從速核議具覆此繳等因各在案現在議董兩會劃分議決執行權限經議事會議決將此案交由董事會接續辦理業於本年四月初六日移交在案董事會按此案前既兩奉批諭自應靜候核議惟董事會接辦伊始意見所及竊有不能不瀆陳鈞聽者查義阡公所即義阡局所管一切埋棺掩骨義地其初設之始或係廟地或係無主荒地或為紳商捐款購捨總之皆為地方公產原由地方紳士經理其事嗣改官督紳辦始派委員協理竊思董事會執行自治以地方人辦地方事其性質與紳士無殊而試辦地方自治章程第九十九條又叙明縣自治之監督官初級為本府知府最高級為本省總督其屬於各司道主管之事務各該司道亦得監督之等語是義阡公所交由董事會接管仍不失官督紳辦義旨况董事會為津郡全體人民代表負有管理公產責任與其管理王紳口口一人致滋疑謗何如交團體代表經理既順輿情復除弊竇區區之見未便緘默謹即繕稟陳請 憲鑒仍候批示遵行度請 崇安伏維 垂鑒

文告錄要

督院批示錄要○沙河縣雷令其源詳後備兵李春芳開場聚賭請查核革去兵籍懲治由 批據詳已悉後備兵李春芳不違約束安分營業輒敢開場聚賭實屬藐視法律應准開除兵籍按例懲治以儆其餘繳○北洋譯學館遵諭改為北洋普通中學堂請刊關防由 批據詳已悉茲刊就北洋普通中學堂監督之關防一顆隨批發下仰即查收啓用具報仍將該館關防繳銷并移提學司查照繳

直隸警務處牌示○為牌示事案奉 督憲札飭准 民政部咨據高等巡警學堂專科畢業生祁長澤稟請照章咨回直隸原籍委用等因奉此除札飭原籍豐潤縣遵照外合行牌示仰該生迅速回籍聽候委用可也特示

直隸法律學堂招生廣告○資格 年在十八歲以上三十五歲以下之舉貢生監暨候選人員或曾在各學堂肄業文理通順品行端謹者無論何省人均可應考 科學 注重司法凡法律學科皆講授完備 獎勵 三年畢業遵照 部定法律別科章程辦理 學費 每月省城通用銀洋三元六個月合交一次堂內不寄宿不備

膳名額 一百二十人 考期 自六月二十四日起至二十八日止各持四寸相片取具同鄉官紳保結到本堂教務處報名聽候定期考試 地址 省城臬台署內

天津高等審判廳榜示○爲榜示事照得本廳考驗檢驗學生覆試課卷現已評定甲乙茲將名次列後各自投具保結聽候示期入所肄業所有備取各生如正取者有故不到以便挨次傳補各宜遵照毋悞須至榜者 計開

張金鑑 余子俊 劉炳麟 章德馨 程啓勳 盧七鑑 鄧桓 賈純熙 張安慶 崔紹文 董錫春

董瑞德 趙寶珍 王肇樑 張承祥 崔毓彬 張鏡蓉 張蘭亭 陳龍樓 董子厚 董士祥 馮振

乾 王珍琦 韓召亭 梁新周 馬傳珍 范鵬連 陳玉鳴 邢有慶 楊岱宗 張利黃 宮萬清 張

偉岑 汪培鎮 張印堂 孫春和 蕭存玉 張利東 何允中 施惠卿○備取學生十二名 華學潛

劉繩武 張文炳 楊振岳 王鎔 李正華 卞得江 曹爾康 郭化臣 張亞東 李幼華 張安甲

附錄天津官事○新署督憲那中堂十二日請 訓於今日由京起節下午四鐘抵津擇於十四日巳時接印○

出使比國大臣楊星使樞昨日由京到津○提台姜軍門於前日由通州來津

電報錄要

倫敦電○英政府擬在印度孟買地方建造房屋收養無業貧民建築新鐵道以便交通并整頓該處工商等事

又電○法國南部人民請法京法律院備款二十萬鎊賑濟地震被災人民該人民現均宿於帳棚之內其帳棚均係兵隊代爲置辦云

柏林電○德首相普魯親王現往齊爾港將議院會議之件并改良財政表式被駁之事面稟德皇普氏未行之前

曾對守舊黨聲言所有證書稅工廠稅并出口煤斤稅內閣均不認可議院現將加增茶葉咖啡稅議妥并將會

議之期展至禮拜三日普氏因改良財政表式被駁稟請辭職德皇不允并云如改良財政之事辦妥仍可留任

聞普氏因稅務問題有碍商務擬即刪除並擬將改良財政辦法運動內閣認可以上各事辦理妥協後即行辭

職因守舊黨置伊於孤立之地不能自由行政云

又電○德首相普魯親王因德皇挽留又因要政相關擬暫不辭職然將來辭職之心現已決定普氏辭職後繼其

任者尙無其選如議院各員將改良財政表式刪改不能收拾政府祇可將議院解散聞德皇與普氏晤談甚歡現全國輿論對於此事甚爲不安

又電○波斯京城消息波斯人民反對俄人干預波事之風潮甚烈外國在波銀行頗受影響現波人宣布聖戰以便抗拒外人

新政紀聞

政治

通咨速報調查事宜○聞政府因各省調查局均已遵章設立乃迄今數月尙未將調查各事咨報到京故於日前通咨催促選派調查員分赴各州縣實行調查各項事宜遵期彙報勿再延遲云

辦理地方自治彙錄○皖省全椒縣會紳籌設自治研究所於所屬四十二坊各選學員一名入所研究並延訂所長講員暫在官銷局提撥百元應用並擬訂簡章呈請撫院核准當奉批云事關遵限籌備憲政應准立案照辦所擬簡章大致妥洽惟所定學科及期間核與民政部奏定章程不符此外有無未盡事宜仰兼理自治籌辦處核飭遵照又蕪湖縣開辦地方自治所需常年經費經該縣會紳公同集議委實無款可籌乃由鮑紳文鏞等具稟皖撫懇予批飭蕪關道酌撥租界灘價交商生息作開辦自治費撫帥於據稟後批飭蕪道郭觀察籌議詳奪具覆飭遵

學務

私塾改良觀摩會辦法○天津各私塾於初十晚在河北甘露寺宣講所開會研究當由勸學員提議觀摩會辦法經各塾師逐細研究公決實行并發上月國文算術小課卷前列各贈地理書一册至本月小課因預備觀摩會特延長十日改爲二十日發題云茲將私塾改良第一次觀摩會辦法錄下 一本會取相觀而善之義祇分等第不加去取凡在本研究会及城西河東各傳習所之塾師均得酌送學生與會以資觀摩 二開會之期定於五月二十日上午準八點半鐘在河北大街宣講所內如遇陰雨改期則牌示於該宣講所以便周知 三凡與會之學生每塾至少以五人爲限能多更佳 四開會日擬試國文一題筆算兩題均以小學生之程度爲高低

茲暫酌定甲乙丙三級以便分配 甲國文能作十數句者 筆算 一兩位除法或兩三位乘法及加減乘合問 乙國文能作五六句者 筆算 兩三位乘法 丙國文聯字 筆算 減法或三個數以上加法 修身讀講經兩科或試筆答或試口答臨時視學生人數多寡酌定如試筆答修身則摘問緊要處數語讀講經則擇要默寫 五各塾預於十七日將學生姓名年歲并各程度開單送交勸學所彙齊造冊并將修身讀經用書一併開明以便預備應用書籍 六所試五藝共作一百分將來除匯合榜示外即以各學生之分數平均之作爲該塾之分數如某學塾有學生五人甲七十七分乙五十八分丙八十六分丁九十四分戊九十分共爲四百零五分以五除之得八十一卽爲該塾之分數以此類推俾昭公允

軍政

電催速報水師清冊○陸軍部堂憲日前會商海軍大臣以本年二月曾通咨各省將沿江沿海各項水師編制及所有兵餉船式兵弁經費限三個月內編列清冊報部現已逾限應速行查核如有尙未呈報及呈報不實者速卽分別電催以便查核

飭報滇省防營清冊○陸軍部因滇省邊防緊要亟宜設法防範聞於日前電致該省飭將原設之南防西防普防江防鐵路巡防五路四十七營之一切制度及現任將弁帶兵各員之銜名履歷及薪津數目一律造具詳冊報部以便查核酌定辦法

電陳新軍附編野炮○粵督張安帥以粵省新軍自岑前督任內時閱兩年迄未照案編足且與成鎮規模相離甚遠而財政支絀又難急切圖功故擬定先編混成一協俾接續編成全鎮目下正值編配砲隊兩營原議全編過山快礮現并擬附編野砲三十六尊特將編配情形地方形勢電請陸軍部核明應用砲式及一切配置辦法以憑從速訓練俾立成鎮基礎

財政

甯藩通飭整頓統捐○江甯藩司樊方伯以甯屬改辦統捐本爲便商裕餉起見捐歸首卡征足責成下卡查驗籍制防維用意未嘗不善甫改之時三數月間尙能日見起色比較陡增乃積久漸卽於玩首卡收征時故留數成使下卡驗補上下其手營私舞弊弊實堪痛恨爰通飭各統捐局首卡照章捐足下卡只有查驗之責並無收捐之權倘再陽奉陰違互相朦蔽一經查明定卽詳請撤叅司巡從嚴懲辦絕不寬貸云

蘇藩批示穀捐辦法○署蘇藩左方伯據陽湖縣詳請上年冬征穀捐分撥積穀興學等情方伯以該縣上年冬徵帶征穀捐前據該縣並鄉董陸銘等先後詳稟請准統歸積穀已由瑞前司議准會同蘇學司詳奉撫憲批飭遵照在案茲據請以此項穀捐分撥積穀興學未免前後兩歧特批仰常州府飭縣仍遵前飭辦理

委充善後局統計員○湖北善後局爲全省財政出入之關鍵事務紛繁較他處爲尤甚原有之統計員李德章奉派他往遺差由金峙生觀察詳由鄂督陳小帥札委府經歷朱鍾琦接辦薪水照例開支以資辦公

民事

試種秋麥之成績○奉天錦州秋麥較春麥品質優美而獲利倍之尤非大豆高粱所可及且麥收之後猶能播種晚豆晚粟等類是年可二稔惟錦州農民向謂冬寒凍死故無種者自去歲設立試驗場有農業委員王君考究該地土質氣候決宜播種秋麥冬期凍死或係栽培非法所致去歲曾經稟陳勸業道黃觀察極言其利並詳改良栽培方法當蒙批准試種數畝聞經冬毫無凍死且刻下生長甚形暢茂行將成熟過其地者無不稱贊云

蘇州創設市民公社○蘇城觀前街各商界因宮巷內大火之後咸有戒心當由倪君詠棠等發起卽在元都方丈內創設市民公社以東至醋坊橋西至察院場口爲區域試辦一切公益事項於衛生保安尤爲注意如清理街道掃除污穢暨添鑿公井整頓水龍及太平水缸等事臨時經費均由各社員協力捐助並聯合團體互相輔助均極贊成現擬擇日開會公決草章後卽當實行

預防火警之計畫○江北清江豐濟倉委員凌大令鍾倫以該倉洋水龍前有專員管理時凡遇火警護救甚資得力嗣因倉款支絀將該委裁撤現在救火時不但散漫無稽且皆玩悞不前實屬有名無實特妥擬章程五條稟請提台規復舊制委派本在該倉辦公之協防戴桂林經管不支薪水每次酌給津貼以期得力而防火患

十文息錢六百八十五吊三百十八文於上年七月初一日付還起截至十二月二十日止各捐戶共取去本銀一千六百二十二兩五錢息銀一百九十三兩一錢四分一釐五毫六絲又本大洋七千八百十元零三角三仙息大洋八百六十二元一角八仙四釐四毫四又本小洋七百六十五元二角息小洋八十四元七角二仙零八毫又本銅元三千四百八十吊零六百二十文息錢三百十吊零八百零四文除取去淨存本銀一千零六十八兩五錢七分息銀一百二十五兩五錢四分二釐二毫二絲本大洋四千七百五十九元六角七仙息大洋五百三十一元八角八仙九釐九毫六本小洋九百六十七元九角息小洋九十九元四角九仙五釐六毫本銅元四千零二十二吊三百三十文息錢三百七十四吊五百十四文仍交志成銀行分別另款浮存

查三十三年十一月十五日將銀兩并大小洋連息作成一筆截至三十四年六月十五日所得之息二共存銀一萬四千六百六十兩零六錢除按底冊銀洋原數分別提出并拉合按四釐計息預備退還各捐戶計本息銀三千零零九兩七錢五分三釐七毫八絲本息大洋一萬三千九百六十四元零七仙四釐四毫按六錢九分七釐三毫一絲九忽折銀九千七百三十七兩四錢一分二釐四毫四絲本息小洋一千九百十七元三角一仙六釐四毫按六錢三分五釐折銀一千二百十七兩四錢九分六釐淨升羨餘銀六百九十五兩九錢三分七釐七毫八絲此即去歲所擬付還捐款辦法第八條所說之拉合算息易洋升數兩項可餘銀數百兩之詳細花數也

再查三十三年十一月十五日所存之銅元截至三十四年六月十五日所得之息二共存銅元八千二百二十八吊一百九十八文除按底冊原數提出拉合計息預備退還各捐戶計本息滿津錢八千一百十八吊二百六十八文淨餘息錢一百零九吊九百三十文此即去歲付還捐款辦法第五條所說之按四釐月息拉合均算所餘之息款也

除取去淨存之本銀息銀及所升羨餘銀三項共合銀一千八百九十兩零零五分外再將本大洋息大洋五千二百九十一元五角五仙九釐九毫六按六錢八分五釐五毫折銀三千六百二十七兩三錢六分本小洋息小洋一千零六十七元三角九仙六釐按六錢二分二釐折銀六百六十三兩九錢二分四項折成公化銀四千二百九十一兩二錢八分又將本銅元息銅元及餘息銅元三項四千五百零六吊七百七十四文按三吊六百八十八文買公

化銀一千二百二十四兩六錢七分以上三筆統計共實存公積平化寶銀七千四百零六兩復從宣統元年三月初一日起仍存志成銀行每月按五釐生息

惟念鄙人等均以個人名義承辦此舉若長此存儲恐人事變遷將來無所歸宿因即公同商議擬將此項捐款息摺送交董事會收執每滿一年由該會取息登報公告大眾一次即將所得息款併入捐本一律生息永久存儲無論地方有何要需公益之事不得提撥移用一俟大清銀行儲蓄之永遠國民捐款奉有 明諭如何辦法再為

公共提議此項存款之作用前經據情函請議事會決定於四月十六日將此項憑摺送交董事會收執此經理天津國民捐局之原委也除稟縣尊轉詳備案外理合登報聲明

承辦人 諸葛錫祐 陳恩榮 王用熊 李家楨 喬保謙
英 華 趙以敬 王廷贊 王新銘 華澤沅 林兆翰謹啓

農林畜牧各類事業經營調查書 (錄商務官報)


種植類

問甲農作物力耕及各種耕具 選擇各類籽種及辨明應改良種類 播種樹藝諸法及穀物類之收穫法 乙

土性之原質 物產與土性之宜肥墮之原質以補益土性之原質 丙驅除害蟲及預防病蟲之傳播法 答農作物栽培所需耕耘之方法類別如左

一 如鋤起耕耙鎮壓三項係行於播種及移植秧苗之前如中耕則係行於作物定植之後鋤起所用之器具為 鐵犁師僕也多(外國名)等物耕耙所用者為耙耨列機(外國名)熊手(日本耙)等物鎮壓所用者為輓軸鐵等物或以足代之至中耕所用者為和我(外國名)草削萬能雁爪日本鐵等物以馬力為之者則有加路其別他(外國名)苟就此等耕耘而欲詳知其時期深度回數與夫作業之方法須閱稻垣乙丙著土地改良論 二 各種農具種類及一切使用法名類甚多未可枚舉欲詳其梗概可就明峯正夫著最新農具論考求得之 各類種籽及選種法

此二項所關係之事詳載明峯正夫著農業種子學可細譯之改良種類之辨明並輸入新種法 此二項關於作物全般改良之事種類繁多未可悉對宜就橫井時敬著作物改良論詳晰參考



湖 北 宜 昌 第 四 圖

英國貴胄女子患甚劇之血薄症爲韋廉士大醫生紅色補丸所治愈

女子斐利沙孝立敦爲英國著名議院中已故之議員亨利孝立敦之女公子也嘗入覲英皇后態度自然並無怯狀此等恩榮惟高等社會有顯爵者所可享受該女士曾自述其閱歷云余見英皇后時膽氣甚壯毫無畏懼誠莫測其故也余嘗因傷風肺炎體弱膽小興趣索然前雖精神充足今則懶於應酬常患頭痛痿頓欲垂詢諸醫士則知余所患者即血虛之症也余因此疾所受諸苦恐非言語所能盡述偶一動作即覺力乏氣促困憊異常腦筋如



血虛 此衰弱入覲時實覺膽怯心驚雖承醫士盡心診視終屬無效頭痛體弱如故面容青白

甚劇 無色後於報紙中見有韋廉士大醫生紅色補丸之告白余遂決意一試先購數瓶如法

爲韋 服食即覺身體略健用是接連服之頭痛驟減精神煥發凡余今昔所歷諸事莫不活潑

廉士 大醫 記憶有躍然欲動之情形耐心久服之後更覺身體康健復原面容光澤有色又覺作事

生紅 踴躍而無倦容矣韋廉士大醫生紅色補丸

色補 之功用如此神奇余極喜告諸世之同病者

丸所 其亟服之○韋廉士大醫生紅色補丸無論何等社會中人醫治各疾服之莫不立愈因

治愈 是丸中之質料實有生生新血健腦筋之能力

故能醫治 血薄氣衰 胃不消化 身體軟弱 怔忡驚悸 氣鬱發厥 頭痛目眩 筋系疼痛 風溼骨痛

腎骨酸痛 腰骨疼痛 山林瘴氣 腳氣衝心 少年斲傷 乾溼瘋癩 以及皮膚諸症是丸久已名馳環

宇又能醫治少壯婦女 月經不調 背骨痠痛氣鬱不舒等症誠爲婦科中之聖藥也 中國各處藥局商店均

有代售或直向上海九江路B字第八號

韋廉士醫生藥局總發行處購買亦可價銀每六樽大洋八元每一樽大洋一元五角 遠近郵費一律不取

天津商務印書館新書

嚴又 訂正羣學肆言 此書官所以治羣學之學術書凡十六篇前經嚴又先生譯出行世備受海內歡迎茲經重加訂正以版權歸本館淨裝精緻大為收觀每册定價一元

高小等 女子國文教科書 本館前編初等小學女子國文教科書八册一年間已屢六版近又承學部審定其價政女工衛生官之尤詳全書四册先出第一册定價大洋二角

學部改訂 近世化學教科書 日本大幸勇吉著王季列譯○上篇述無機化學第三篇述有機化學學部審定其價世化學日新月異盛記理之學科漸變為推理由其詳每册定價洋八角五分

審定 初等代數學 此書英譯壽孝天校意不致失人口於譯述之時 說力求顯明問題時有酌易為深利原書之精意而不拘守原書之面目最適於我國之用每部一元二角

新編 初等三角法教科書 日本飯島正之助著周潤譯○上篇述銳角之圖函數下篇述普通三角之圖函數定善本也每册定價二角半

家計簿記教科書 奏定高等小學章程列簿記於算術科其書就家計以圖凡詳論簿記之法書分九章就其國通行舊例參以各國新法於改良之仍以通俗通用為主既可作學堂科書即使居家者經商者職司會計者瀏覽此書亦其有益每册八角

新法英文教程 此書寓文法於讀本使學者易於領悟而於文法八部之總則及其云讀之時間尤為注意每句詳解讀本使學者易於領悟而於文法八部之總則及其云讀之時間尤為注意每句詳解讀本使學者易於領悟而於文法八部之總則及其云讀之時間尤為注意每句詳解

日語讀本 內編成文書現任山東高等小學堂日語教授歷年既久閱歷尤深茲以其經驗材料編成此書程度適合誠為學日語者之寶也每部四册裝一其四角

鉛筆習畫帖 本館前出高等小學鉛筆習畫帖已承學部審定是書編綴之法與前書相應而筆法甚為簡易便於初學臨摹全部四册每册各二十圖第一册均單簡形體以次循序漸進至第四册乃及陰影濃淡之法初學極易入手全部定價四角八分

鍾乳圖體 英國哈葛得原著○此書大致似雲中人出入於老獵戶之戈德門自述歸本於亨利之友愛乃以尋常其弟之故至於犯瘴癘絕沙漠飢渴而死所不惜願之足以愧天下之閱者每部二册定價六角

天囚懺悔錄 著者叙一航海免藏金及孤島中生活以及男女愛情筆意纏綿悽惻閱者人每册定價五角

匈奴奇士錄 向加利爾耳著○一摩陀爾人有妹為食士所誘至被棄而愛情至死不誠不許其兄報警此書雖奇詭一公認思獲其夫人設種種奸謀不得遂公爵夫人卒嫁與摩陀爾人情節奇詭每册定價四角

新譯小政 治模範町村 日本農學博士橫井時敬原著○此書以改良地方自治之理想假託一人久客歸鄉所見所聞與從前大異所說事實均依據學理可見實行今吾國方注意地方自治此書頗實模範不啻僅作小說觀也每册定價三角

新譯小政 治模範町村 日本農學博士橫井時敬原著○此書以改良地方自治之理想假託一人久客歸鄉所見所聞與從前大異所說事實均依據學理可見實行今吾國方注意地方自治此書頗實模範不啻僅作小說觀也每册定價三角

新譯小政 治模範町村 日本農學博士橫井時敬原著○此書以改良地方自治之理想假託一人久客歸鄉所見所聞與從前大異所說事實均依據學理可見實行今吾國方注意地方自治此書頗實模範不啻僅作小說觀也每册定價三角

新譯小政 治模範町村 日本農學博士橫井時敬原著○此書以改良地方自治之理想假託一人久客歸鄉所見所聞與從前大異所說事實均依據學理可見實行今吾國方注意地方自治此書頗實模範不啻僅作小說觀也每册定價三角

新 啟
告廣司公限有灰洋



啓者本公司係承受唐山洋灰公司老廠另購外洋最新式機器旋窑等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

啟新洋灰有限公司磚窑招股滿額廣告

啓者本公司前經登報添招磚窑股本三十萬元截至三月十五日兩個月期限認股業已滿額凡有未交股本務請照章於收股限內繳齊五月十五日以後一律截收此布

武齋洋行

本行開設天津 於茲二十餘年 自運各種洋貨 絨紗布匹綢緞 鑲化屏風鏡額
 磁銅料器磁藍 奇巧美術玩器 學界文房用品 旋行携帶等件 精工鑲身物料
 定織各色磨氈 現又擴充樓房 極其寬闊高大 如蒙官商光顧 價值格外從廉
 本行隨便入覽 電話一千三百七十四號 天津法租界 武齋洋行謹啓

本局印售各種書籍圖畫目錄

澄衷學堂字課圖說

天文歌略

地球歌略

小學韻語

蒙養學堂百課

最新初等小學國文教科書

初等中國歷史教科書

心算初學

最新初等小學算術教科書
初等小學算術教科書教授法

忠經

英文舉隅

東文典問答

地文學問答

皇朝政治學問答增校初二編

節本泰西新史攬要

算算教科書

數學上編

普通新智識課本

中等植物教科書

中學礦物教科書

高等小學博物教科書

生理衛生學
化學教科書
中學地理中國誌

八本洋二元

一本洋三分

一本洋一角五分

二本洋二角

一本洋一角五分

一本洋四分

二本洋三角二分

二本洋一元

二本洋紙洋五角

二册洋三角六分

合售洋三角六分

一本洋紙洋五分

一本洋二角五分

二本洋二角五分

二本洋五角

二本洋紙洋四角

二本洋紙洋三角五分

二本洋紙洋四角

二本洋一元二角

二本洋四角

二本洋紙洋七角五分

一本洋紙洋四角五分
一本洋紙洋三角五分
一本洋紙洋二角五分
一本洋紙洋一角五分
四本洋六角

植物學教科書

皇朝政典舉要

萬國憲法比較一本

法學通論

萬國通商史

新爾雅

康熙幾暇格物編

周禮政要

明夷待訪錄

普通教科書目提要

科學書目提要初編

心算教授法

萬國公法提要

甲午學報彙編一百種

乙巳學報彙編

丙午學報彙編

全年學報彙編

農學新書三十五種

日本栽桑捷法

美國養雞法

農務述聞
總輔輿地全圖
御製耕織圖
朝鮮輿地全圖
地球開闢次序圖
平頂地球圖
東三省鐵路全圖

一本洋紙洋二角五分

四本洋五角

一本洋紙洋三角五分

一本洋七角

一本洋二角

二本洋三角五分

二本洋四角

二本洋六角

一本洋二角

一本洋五分

一本洋一角五分

一本洋紙洋三角五分

四本洋一元

五十本洋二元七角

四十本洋四元二角

廿四本洋四元八角

廿二本洋五元六角

一本洋一角二分

一本洋四角

一本洋三角六分

六扇屏洋二元
二册洋五角
一張洋一元
一册洋一元
三十二張洋一元
一張洋八角

北洋灤州官礦有限公司開正式股東會訂期廣告

啓者本公司開辦已逾一稔造端宏大事務綦繁茲定於五月二十四日下午二鐘在天津東門外玉皇閣本公司開正式股東會提議各項事件應請股東屆期於三日各帶股票赴本公司驗明以便填給會券屆期即可持券入會如不先領會券臨時未便接待再各股東領會券時務祈將姓氏籍貫住址開示以便隨時通函佈告謹啟

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指留耳墜鐲子表墜大小八音盒並留聲話匣單雙桶千里眼砒蘭磨花穿衣鏡妝梳洋鏡

本號開設北京前門外鮮魚口天津估依街中間路北山東濟南府院西路北自置綢緞紗羅顧繡粧蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外紳商賜顧移玉是幸

瑞林祥元記具

平和戒烟醫局廣告

啓者敝同人創設戒烟醫局原屬拯濟爲懷欲將天下人沈疴洗淨盡無各博施濟衆堯舜不能且爲日甚長的款無着是以原定章程酌收藥資以助經費前因開局以來到局戒烟者固不乏人而因此觀望者仍屬不少故本局公議自二月初一日起至三月底止特贈醫三個月以示普濟之意刻下期限屆滿戒烟者百數十人在局服藥者尚有百數十號成效已起人所共知不待本局贅述也本擬再行續贈特因經費不敷力與心違倘長此不收藥資斷難經久萬一半途而廢是公益之舉不但有始無終亦非本局樂善好施之本意茲復公同再四籌商仍議定照舊章辦理除三月內掛號服藥者仍贈醫不計外凡自四月初一日起來局戒烟之人必須先交藥資十兩如有不能現交者必須寬有妥實鋪保力爲擔承方准掛號其煙癮過大用藥較多者隨後核算至多亦不過再取藥資一二十金至癮斷之後捐助本局經費則視乎本人之力量體面耳凡有志戒烟者須知本局收取藥資乃係不得已之苦衷本局設立既久名譽效驗昭昭在人耳目想爲諸君所共悉而共諒也此佈

平和戒烟醫局告白

本局廣告

本局承辦印刷研究
 精良近益不惜重資
 延聘外洋著名工師
 添購新式機器精製
 雕刻銅版所有承印
 各種紙幣股票等件
 圖畫精巧色澤鮮明
 紙質堅緻屢蒙中外
 外官商照顧頗加獎
 譽茲為推廣招徠起
 見自本年承印各
 項價目格外減讓以
 副官商雅意如蒙
 賜顧請至本局賬
 房面議可也

本局售報價目

本埠售價官報按日一册每月三十册收價銀六角零購者每册洋銀二
 分
 法政學報十日一册每月三册收價洋六角零購者每册二角
 兩種合購每月收洋一圓二角
 各州縣報價交銀者除額定銷數照舊收銀九錢外額外分購者統照本
 埠售例

本報代派處

各省郵政局分局均認定代派本報凡由郵局訂購者不取郵費
 北京琉璃廠橋西路北公慎書局本分局
 天津石橋胡同後齊佐周
 保定省城北大街官書局內本分局
 錦州同益分報館
 南京東牌樓慶昌
 濟南官書局
 天津鄉祠南李茂林
 奉天省城振泰報局
 開封南書店街本分局
 各州縣驛遞不在此例

本局告白刊例

登一日者每字取洋五釐 三日四釐 七日三釐五 十五日三釐
 一月二釐五 半年二釐 長年一釐五
 以上均按四號字起碼加寬行數照所佔面積計算
 登錄商標刻工另議
 三號字加半倍 二號字加一倍